

Lain giugar questa partida

Dis da litteratura a Domat sco salon da gieus

■ (cp) Quest onn declarain nus la litteratura sco gieus. Ils 27avels Gieus da litteratura a Domat duain esser il salon da gieus, nua ch'ins chatta cumpogns per giugar.

Noss gieus litterars

Il venderdi preschenta il poet, musicist e caricaturist svizzer *Manuel Stahlberger* ses nov program da solo «Neues aus dem Kopf». El raquinta e chanta sur da grondas ideas e pitschnas persunas. Silsuenter vai vinavant cun la Shot-Story Night: Ti empostas. L'auturA arriva, sesa e prelegia ses text. A la fin di ella: «Viva!», e tuts bai-van da cumpagnia – ma il gieus cuntinuescha cun auters auturs, cun auters auditors.

La sonda laschain nus discurren ils cudeschs cun la Living Library, la biblioteca viva, en la quala ils cudeschs en persunas sco ti ed jau. Quests cudeschs na pon ins pia betg prender en maun – na, cun quests cudeschs ston ins discurren.

Era tar l'occurrenza da scriber «La pagina» dastga in e scadin preleger en il foyer ses text davart il signal «En posiziun! Pronto! Dai!».

La saira laschain nus alura reviver differents gieus auditivs rumantschs. ActurAs dattan nova vita a gieus umoristics scrits ils ultims 50 onns. Tocs da Cla Biert, Jon Semandeni, Schimun Vonmoos, *Michel Decurtins* e *Göri Klainguti* vegnan preschentads LIVE sin il palc.

La dumengia preschenta l'artist Yör Kauči alias *Jürg Gautschi* invistats e reflexiuns davart la fitness cun ina preleziun scenica. E fits ston ins esser en fatschenta, en letg ed era per vegnir enta paradisi.

E la victura dal Premi Term Bel dals Dis da litteratura 2016, *Stina Hendry*, experimenterescha e gioga en ses nov project «Detta en bucca» ensem cun Leander Albin cun atmosferas or dal mund da la lingua e musica.

Vernissaschas, preschentaziuns e preleziuns:

Als Dis da litteratura datti era quest onn differentas vernissaschas, preschentaziuns e preleziuns.

La revista «Quarto 44» da l'Archiv svizzer da litteratura è deditgada a texts rumantschs che discurren da la naiv. La



Il motto dals 26avels Dis da litteratura a Domat stat sut il motto: Litteratura sco gieus. MAD

vernissascha vegn accumpagnada musicalmain da *Pascal Gamboni*.

Il musicist ed actor *Mario Pacchioli* preschenta ses nov project per chant, orchester sinfonic e clavazin «Remas». Sias cumposiziuns en influenzadas da la chanson franzosa e da la canzone italiana e dattan in nov vestgi a poesias rumantschas da Giacun Hasper Muoth, Alfons Tuor u Flurin Camathias. Accumpagnà vegn el dal pianist *Gieri Maissen*.

L'autura *Chatrina Josty* preschenta ses nov cudesch cun texts curts «Barbacor – Herzkater». Ses texts raquintan d'ina generaziun che viva en in mund global, simultan e senza ragischs. Il musicist engiadinais *Roland Vögli* enramescha la vernissascha.

Preleziuns

Dumenic Andry prelegia or da ses nov cudesch da poesias «Sablun» ed envida ad in viadi ch'empermetta novas experientschas.

Il giuven 'autor da Berna cun ragischs rumantschas *Flurin Jecker* prelegia or da ses roman da debut «Lanz». El raquinta dal giuven Lanz che sto scriber in blog davart sia vita e ses mund.

Linard Candrea prelegia anecdotas or da la vita da «Pastiziers grischuns en l'Italia».

Preschentaziuns:

La «La Litteratura 36» è quest onn sa deditgada a biografias fictivas. Ella vegn preschentada dals redactors *Silvana Derungs* e *Benedetto Vigne*. *Hubert Giger* e *Gerold Ehrensam* prelegian lur texts.

La «Chasa Paterna 135» vegn preschentada da l'autur engiadinais *Atilio Bivetti*.

Betg a la curta vegnan quest onn er las auturas ed ils auturs giuven. Ils victurs da la concorrenza da scriber da la Lia Rumantscha «Plema d'aur / Pledpiera» prelegian lur texts e discurren davart la concorrenza.

Ultra da quai preschenta *Mevina Puorger* sco mintg' onn sia nova publicaziun da edition mevinapuorger, quest onn: «La chastlauna», in raquint da l'autura enconuschenta da Uorsin da la s-chella, *Selina Chönz*.

Ed er per ils uffants datti quest onn insatge als Dis da litteratura: il nov cudesch «Lina e Linard» da la Chasa Editura Rumantscha raquinta a la moda da «Joggeli söll go Birlir schüttla» da dus uffants che na vulan betg turnar a chasa.

Il program detaglià dals Dis da litteratura 2017 chattais vos sin la pagina d'internet www.disalitteratura.ch.

Engaschament per l'agricultura e l'economia alimentara

■ (cc) Il chantun Grischun s'engascha per in'agricultura e per in'economia alimentara grischuna viva, innovativa e valurisanta. A chaschun da la nova exposiziun GUARDA! che metta l'accent sin regionalitad, aventura ed emozions, infurmeschan l'uffizi d'agricultura e da geoinformaziun ed il Plantahof davart lur activitads en il sectur da la promoziun da l'innovaziun. Ultra da quai vegn il premi d'innovaziun da quest onn dad alpinavera surdà a la cuminanza da produentas Scarnuz grischun.

Per che l'agricultura e l'economia alimentara grischuna possian sa stgaffir las premissas per producir products da spezialmain auta qualitat e possian entrar en partenadis da lunga durada e persistents, investescha il chantun en la promoziun da products innovativs ed en las lavurs da basa. Uschia po el sustegnair la constituiziun da novas branschas da produziun innovativas u per exempel er la commercializaziun da products agriculs.

Promover products da chauras

Il center da cumpetenza per muvel manidel al Plantahof ha l'incumbensa da chattar purs che tegnan muvel manidel e da render enconuschents ils products da latg e da charn da chauras e da nursas tar las consumentas ed ils consuments. Ils products da chauras e da nursas che vegnan producids oz a cundiziuns profesionalas, han obtegnì ina buna qualitat ed en in'alternativa excellenta envers auters products da latg e da charn. Preparond la GUARDA! è vegni fatg il film «Products da latg-chaura – Ina nischa cun avegnir per il chantun Grischun». Il film vegn mussà per l'emprima giada a la GUARDA! ed infurmescha la pu-

blicitad, ed en l'instrucziun da scola è el il punct da partenza per la discussiun davart il tema da tegnair chauras.

Istorgias da success per iniziatives regionalas da commercializaziun

Ulteriurs films mussan istorgias da success en la commercializaziun da products agriculs regionalas d'auta qualitat. Il film il pli nov da questa retscha preschenta il maneschi Piccoli frutti da Nicolo Paganini en la Val Puschlav. La famiglia Paganini sa concentrescha cun success sin la cultivaziun da pumaraida. En l'elavraziun han els sviluppa differents novs products sco confituras, sucs per la gastronomia u aschieu. Ils products en certifizads sco derivants dal Grischun (ein Stück graubünden e «regio-garantie») e dal territori da muntogna. Las confituras en er vegnidas recepidas en la lingua Pro Montagna dal Coop.

Scarnuz grischun survegn il premi d'innovaziun dad alpinavera

Il premi d'innovaziun 2017 dad alpinavera vegn surdà a la cuminanza da produentas Scarnuz grischun. Alpinavera surdat in premi ad interpresas che commercialiseschan cun success lur products, che mussan lur concept e che pon sa preschentar a la publicitad cun ina pitschna reclama. L'abilitad da communitgar cun la clientella er sur las medias socialas e sur las medias digitalas survegn pli e pli impurtanza en il temp dad oz. Ils consuments na tscherrgan betg mo il contact direct, mabain er il contact virtual, per s'infurmar e per decider alura da cumprar.

Link: film «Products da latg-chaura – Ina nischa cun avegnir per il chantun Grischun»
Link: film «Piccoli Frutti»

Da nov contribuziuns per la scolina bilingua a Cuira

■ (cc) La regenza ha reconuschì ed approvà las partiziuns bilinguas da la scolina da la citad da Cuira. Dapi l'onn da scola 2010/11 maina la scola da la citad da Cuira partiziuns bilinguas da la scolina en tudestg e rumantsch sco er en tudestg e talian. Fin ussa n'avevan quellas dentant nagin dretg da contribuziuns, perquai ch'ellas n'eran betg cuntegnidas en il conclus concernent «classas bilinguas sin il stgalim primar da la scola da la citad da Cuira». Per

quest motiv ha la scola da la citad da Cuira dumandà la regenza da cumpletter retroactivamain quest conclus per l'onn da scola 2016/17. Cun l'approvaziun actuala da las partiziuns bilinguas da la scolina survegn la scola da la citad da Cuira – retroactivamain per l'onn da scola 2016/17 – 12 042 francs per 58 scolaras e scolars. Per l'onn da scola 2017/18 importan las contribuziuns a la citad da Cuira previsiblamain 20 064 francs per 76 scolaras e scolars da la scolina.

reclama

Gültig Freitag + Samstag

WOCHENEND-KNALLER

20%

auf alle Champagner und Schaumweine* – auch auf bestehende Aktionspreise!

Gültig in allen Denner Verkaufsstellen, unter www.denner-wineshop.ch und in der Denner App.
*Ausgenommen Online Specials. Nicht mit anderen Gutscheinen und Bonus kumulierbar. Solange Vorrat.

Leone de Castris Salice Salentino DOC Riserva
2013, Apulien, Italien, 6 x 75 cl

Jetzt bewerten!

- Rotes Fleisch, würzig-reifer Käse
- Negroamaro, Malvasia Nera di Lecce
- 3-8 Jahre

40%
48.60 statt 81.-*

Einzelflasche: 8:10 statt 13:50*

MaryLong

- Filtre
- Extra
- Première

Box und Soft Pack, 10 x 20 Zigaretten

- 7 Fr.
79.- statt 86.-*

Einzelpackung: 7:90 statt 8:60*

*Konkurrenzvergleich

Aktionen gültig am Freitag, 3. und Samstag, 4. November 2017 / solange Vorrat / Druck- und Satzfehler vorbehalten / jetzt abonnieren: www.denner.ch/newsletter

50 Jahre günstiger für alle **DENNER**